

**81** ur í Rangárvallasýslu (sbr. landshöfðingjabrjef 11. júlí 1892, Stj.tíð. 1892 B, bls. 15. maí 163) sje eptirleiðis nefndur *Ásahreppur*.

**82** Brjef ráðgjafans fyrir Island til landshöfðingja viðvikjandi þingsályktun um að  
27. maí birta í Stjórnartíðindunum tillögur landshöfðingja, er synjað er lagafrumvörpum eða þingsályktunum. — Þjer hafið, herra landshöfðingi, með þóknanlegu brjefi, dags. 12. okt. f. á., sent hingað þingsályktun, sem samþykkt var á aukabinginu í fyrra, þess efnis, að skora á ráðherra Íslands að hlutast til um, að í hvert skipti sem einhverju lagafrumvarpi frá alþingi er synjað konungsstaðfestingar, eða neitað er að sinna einhverri þingsályktun frá annari eða báðum deildum alþingis, verði tillögur landshöfðingja til ráðaneytisins um málið birtar í B.-deild Stjórnartíðindanna.

Út af þessu læt jeg ekki hjá líða þjónustusamlega að tjá yður til þóknanlegrar leiðbeiningar og birtingar í B.-deild Stjórnartíðindanna, að ráðaneytið skal ekkert hafa á móti því, að reglu þeirri, sem fylgt hefir verið að undanfögnu, að skýra frá tillögum landshöfðingja í ráðgjafabrjefi því til hans, er flytur úrskurð ráðgjafans, og sem síður er að birta í B.-deild Stjórnartíðindanna þegar svo stendur á, sem þingsályktunin greinir, sje eptirleiðis hagað svo, að tillögubrjef landshöfðingja sje birt orðrjett ásamt ráðherrabrjefinu.

**83** Brjef ráðgjafans fyrir Island til landshöfðingja viðvikjandi þingsályktun um  
27. maí stofnun almenns ábyrgðarsjóðs fyrir fiskiveiðapilskip á Íslandi. — Með þóknanlegu brjefi dags. 12. okt. f. á. hafið þjer, herra landshöfðingi, sent hingað þingsályktun, samþykkt af báðum deildum alþingis, þar sem skorað er á stjórnina að leggja fyrir alþingi 1895 frumvarp til laga um stofnun almenns ábyrgðarfjelags fyrir fiskiveiðapilskip á Íslandi, þannig, að landssjóður leggi hæfilegan styrk til stofnunar fjelagsins og viðhalds þess fyrst um sinn, en að öðru leyti sje fjelagið byggt á innbyrðis ábyrgð, og hafið þjer jafnframt af þeim ástæðum, er nákvæmar eru teknar fram í brjefi yðar, látið þá skoðun yðar í ljósi, að þingsályktun þessi sje ekki til þess fallin, að hún sje tekin til greina.

Þessa skoðun yðar verður ráðaneytið að fallast á, og það því fremur, sem komin er beiðni frá nýstofnuðu pilskipaábyrgðarfjelagi við Faxaflóa um landssjóðsstyrk, og mun verða farið fram á nauðsynlega fjárveitingu til þessa í fjárlagafrumvarpinu fyrir 1896 og 1897.

Þetta er hjer með þjónustusamlega tjáð yðar til þóknanlegrar leiðbeiningar og til þess að þjer birtid það í B.-deild Stjórnartíðindanna ásamt ofan nefndu brjefi yðar.

\*

\*

*Brjef landshöfðingjans til ráðgjafans er svo hljóðandi:* »Á síðasta alþingi samþykktu báðar deildir þess þingsályktun þá, er hjer með fylgir in originali ásamt danskri þýðingu, og er í henni skorað á stjórnina að leggja fyrir alþing 1895 frumvarp til laga um stofnun almenns ábyrgðarfjelags fyrir fiskiveiðapil-

skip á Islandi, er byggt sje á innbyrðis ábyrgð, en þannig, að landssjóður leggi fram hæflegan styrk, bæði til stofnunar fjelagsins, og til þess að tryggja viðhald þess fyrst um hríð eptir að það er stofnað. **83** 27. maí

Með tilliti til þessa skal jeg fyrst láta þess getið, að þegar um allmörg ár hefir verið til, án nokkurs opinbers styrks, ábyrgðarfjelag fyrir fiskiveiðapilskip við Eyjafjörð, byggt á innbyrðis ábyrgð, og að greiddar hafa verið samkvæmt fjárlögunum fyrir 1892 og 1893, 10. gr. C. 4. 4000 krónur til sýslunefndarinnar í Ísafjarðarsýslu, til þess að koma á stofn ábyrgðarfjelagi fyrir Vestfirði, sem jeg þó ekki veit til að komið sje á laggirnar enn. Aptur á móti hefur það ekki heppnast, þótt opt hafi verið til þess reynt, að koma á fót ábyrgðarfjelagi fyrir fiskiveiðapilskip þau, sem gjörð eru út við Faxaflóa, og hafa tilraunirnar einkanlega strandað á því, að hlutadeigandi skipaeigendur hafa ekki viljað láta tilleiðast að ganga í slíkt fjelag. Það sýnist þannig ekki vera nein sjerleg þörf á þilskipaábyrgðarfjelagi fyrir allt landið, og það er meira að segja mjög vafasamt, hvort eyfirzka ábyrgðarfjelið, sem á talsverðan sjóð, mundi vilja hverfa inn í slíkt fjelag. Aptur á móti verður að viðurkenna það, að mjög mikil þörf er á sjóábyrgð fyrir þau skip, sem gjörð eru út í suðuramtinu og vesturamtinu, — í austuramtinu er engin eða svo sem engin þilskipaútgjörð — en þá kemur aptur fram sú spurning, hvort það ábyrgðarfjelag, sem er að myndast fyrir Vestfirði, mundi vilja vera saman við ábyrgðarfjelag fyrir Suðurland, ef til kæmi. Og þótt því gæti orðið framgengt, að mynda almennt ábyrgðarfjelag fyrir fiskiveiðapilskip, sem gjörð eru út hjer á landi, þá fæ jeg ekki sjeð, að löggjafarvaldið geti látið til sín taka um málið án þess að hlutadeigandi skipseigendur gefi neitt tilefni til þess. Með því að gengið er út frá því í þingsályktuninni, að hið fyrirhugaða ábyrgðarfjelag sje byggt á innbyrðis og þá sjálfsagt sjálfráðinni ábyrgð, virðist svo, sem útgjörðarmennirnir sjálfir verði að vera frumkvöðlar að því að mynda fjelagið, þannig að þeir sjálfir kveði á um stofnun þess og fyrirkomulag, og samþykki nauðsynleg fjelagslög, allt án þess löggjafarvald landsins gripi fram í það. Á hinn bóginn hefir fjárveitingarvaldið sýnt, að það er fúst á að styrkja slík fyrirtæki, þegar hlutadeigandi útgjörðarmenn eru frumkvöðlar að þeim, með því að veita styrk til þess að koma á fót ábyrgðarfjelagi á Vestfjörðum, eins og áður er fram tekið.

Samkvæmt því, sem jeg þannig hefi tekið fram, verð jeg að vera þeirrar skoðunar, að þingsályktun sú, sem hjer er um að ræða, sje ekki til þess fallin, að hún sje til greina tekin.

**Brjef landshöfðingja til stiptsyfirvaldanna um embættislán handa prestakalli** **84**  
(Ágrip). — Með brjefi þessu samþykkti landshöfðingi, að presturinn að Halldórsstöðum í Bárðardal mætti taka allt að því 1200 kr. embættislán upp á Lundarbrökkuprestakall, er afborgist á 20 árum með 60 kr. á ári auk vaxta, til þess að byggja á prestsetrinu íbúðarhús, 21 al. á lengd og 7 al. á breidd, með venjulegum skilyrðum, þar á meðal að húsinu sje haldið í ábyrgð fyrir að minnsta kosti 2600 kr., og að presturinn eða bú hans skili því á sínum tíma í gildu standi eða með fullu álagi. **28. maí**